

萬載縣志卷之八

萬載縣知縣汪元采纂

宦蹟總論

古之傳循吏者必詳其實令後人讀之如親見其
人身被其化有所觀感而興起焉故峴山之碑過
者墮淚以功德入人深也邑自開寶以來任是秩
者後先相望乃按籍而考足稱述者僅若而人則
亦論久後定惟豐功茂德者不容□也茲仍府縣
舊志采輯之比間益一二亦口碑在人詢之鄉達
故老確有寔據方敢補入餘惟紀其姓名及歷任
年月而已他如賢學博賢佐貳邑舊誌頗不乏後
不少槩見則姑俟後之月旦云爾

萬載縣志

卷之八

宦蹟

乙

良牧

良牧者何謂其慈良愷悌牧養斯民也牧養之道固養生是重是先而教禮義以養性教詩書以養才皆養也故古教養之職司徒兼領而教養之法唯寬與嚴然過嚴則暴過寬則廢均之失宜令萬者不一姓矣而志紀宦蹟不多見焉亦以此邦之人指其人而數之曰某也宜爲之揚某也宜爲之隱吁民非三代直道猶存可畏哉

宋

徐昇紹興三年任事皆金寇陷江南所在乘勢盜據

萬載縣志

卷之八

良牧

二

州縣焚燬民不聊生昇乃乞師討靖兗殘重建縣署流離稍復境賴以安

趙子孟字醇父元祐間任事政理平恕頌聲騰播秩滿訪尋山谷營將老焉遂寓居宜春之崇勝寺祠堂蹟業猶有存者子孫因編版宜春家焉

祝勛三衢人淳熙中宣教郎知萬載是皆學宮缺敝而監市者襲竊其址師率指顧僧刹間大失雅肄勛乃恢復整飭政教宣敷

錢文崇德人進士初爲當途縣尉捕獲私貨茶商數十人法當進秩文辭不居後以資知萬載縣能聲

益著擢知循州官至朝奉大夫

王僎紹興人嘉泰二季奉議郎知萬載縣事心計詳明防遏嚴慎會計周至人無背侮凡一切庠陋改撤增新發豪民易谷梁之惡逮赴詔獄奸猾屏跡美蹟善政殆不絕響

林景達福州人嘉定六年奉議郎知萬載縣推誠任治民不忍欺多所懷愛嘗臥病民皆祈佛冀諧所願竟不能起縣人哀之戒子曰慎毋聽人言探索妄費其清搯如此

冷應徵字公定分寧人寶慶間知萬載縣事修學宮萬載縣志

卷之八 良牧

三

舍招秀彥講肄經術旌其通經飭行者以勸歲饑棄孩盈道恣民收養令所棄家不得復問全活者甚衆葉夢得列其治行以勵他縣積官至直寶章閣主管廣南東路經略安撫司公事知廣州詳具宋史列傳

明

趙中字允中懷寧人嘗號琴鶴子以規己洪武甲辰爲萬載知縣皆際殘毀民苦轉徙無寧居中廉勤自約阜安惟務勞來撫輯民歸之日不暇計初市戶不滿百後致七百餘戶遂置坊廂立公署建譙

樓廟學而治教斯茂

賈志通淮安人洪武壬子知萬載縣豈弟行政德惠加民初知縣趙中建廟學未備志通眎其尺度遂捐所應得倡民協成之且躬校生徒稽閱程課而勉有效立至今興起斯文爲稱首

束清丹徒人洪武甲戌以人才授萬載知縣慈愛廉潔勤正自律民或逋租貧不能償者願鬻衣帶代之故多觀感興讓俗惡稍易

舒仲誠貴池人革除末大學生知萬載縣爲政嚴明處斷平允招徠逋竄勸令富室貸之穀種農具儗

萬載縣志

卷之八

良牧

四

以房舍勿收其息民翕然歸之嘗月朔謁廟里婦有燈晨績者賚之米布民由是相勸於勤擢湖廣按察司僉事

汪悠久餘姚人宣德四季以大學生授萬載縣知縣法制嚴整洞燭細微逋賦有至六七季者易產鬻息或不能克逃竄過半悠久奏免遂歸安如堵鄰邑寇焰日熾熟計追禦民免於墊

李璨福清人進士正統六季令萬載寬猛適宜訟獄屢空月朔望詣學謁廟輒勉勵生徒蠲其徭役由是翕然知向學都御史韓雍薦之朝尋陞衡州府

通判民遮道攀轅不忍去

邢廷禎金華人賢良方正爲廣州府經歷成化二季擢萬載知縣清謹溫良明敏平恕民之犛獨無告撫恤尤切致流逋四歸民嘗苦飼官馬檄請諸公府極言其不堪始得脫網士庶至今談慕

陳璨海陽人舉人成化間知萬載縣事廉介剛果字良擊奸實粟賑貸輪奐署宇庶務叢興而學校孜孜皆歲亢旱璨引咎懇顛卽雨足民康或雨沴如禱卽感霽五六季境內肅然

陳瑤字仲華全州人舉進士成化間萬載知縣持己

萬載縣志

卷之八

良牧

五

廉而愛民惠任法恕而釐弊悉勸農興學訟簡徭清陞監察御史歷通政使轉都御史

黃珙永興人進士弘治初萬載知縣嚴明飭法吏畏民服改作工繕長駕遠馭陞刑部主事轉江西按察司僉事

韓憲蕭山人鄉舉萬載知縣剽繁治劇剛果敢爲廢墜多舉吏不敢欺方痛懲豪俠之亂民者會得疾卒

陸墩浙江蘭溪人舉人正德六季任萬載知縣心存愷悌政多惠愛民有以事不受約束者輒置度外

使自愧服村豪數巨族橫數爲盜璫薙獮靡遺而人亦不以死怨先是邑弊俗富民假義奉公因緣爲奸欺官誣民璫至則痛抑之官府肅然皆遭歲歉民供稅惟艱上司移文切責璫自就械繫父老感動欲以身代璫慰遣之曰父老無自苦吾寧以此忝官無忍見若等饑困流離也懇惻爲民徃徃如是至於興學校勤勸課節省役費撫綏無告尤所專重雖天理晦蝕以謗調忝民遮道痛哭思慕不忘至今尚有道前日事爲流涕者

陳府上元人由進士嘉靖四季任長才大受以文學

萬載縣志

卷之八

良牧

六

飾吏治士民德之未幾以憂去惜不竟其業後官至侍御

顧中孚華亭人由進士嘉靖七季任公明剛介吏民畏威懷德未幾以憂去後官至叅議

林山長樂人由進士嘉靖九季任政尚簡易民無苛擾多善政行量田法民甚感之陞戶部主事後任徽州知府

徐一唯蘄水人進十隆慶六季任沉毅果決置學田以贍師生定瀏陽豪戶妄爭廣洞田地之亂擣大圍山巨寇李大鑾等民賴以安陞南戶部主事有

祠

鍾萬祿別號贊宇清遠人以進士萬曆二十一季任
魁誌稱其勤勵有爲廉惠並著至緝案盜寘之重
辟而盜賊息禁私宰有犯則以牛頭撞其首而鼠
竊消嚴追逋租以爲錢糧重務而佃戶警痛禁服
莽押令自備殯埋而刁風變申文請忝上高高安
浮橋立有碑石而道路通至今人誦其德以調繁
不久任陞戶部主事官至憲副

畢懋良別號見素歛縣人以進士萬曆二十三季任
甫下車卽咨訪邑中利病知書堂白水西峰大嶂

萬載縣志

卷之八

良牧

七

接壤瀏陽民苦公賦多逃亡公親詣其地出示招
撫盡捐從前逋負給牛種使得開墾稍稍還集每
月立會課造士必手自評閱與諸生細論自丁酉
至丙午中式五人皆公所賞識士也念南糧解戶
傾產賠贖必僉南布竝解謂所發布價可營息以
此均其役他如立社倉以備凶荒修水次倉以貯
南米革火耗以寬糧解給兵役以抵荒糧裁樣壩
以足鹽額禁差船以恤船戶種種立有碑石而惟
喜剛方衛役不敢妄進一言卽佐貳市物不平價
輒以官評忝之其居官清苦日惟食豆粥家人不

堪公曰若不官安所得食久之家人化焉六季滿
秩擢陞南吏部行之日父老數百人號慟送至上
高而別有張生紹渠者公素所推重送公詩有云
買牛給種桑麻盛捐奉空囊豆粥香真循吏也後
官至工部左侍郎致仕

倫應祥別號

南海人鄉進士萬曆三十八季任

政尚嚴明鋤強暴雖勢要有犯必寘之法尤嚴教
唆多方殄除之昔值洪水米價騰貴便宜行事卽
將南米發糶救一時之急禁穀出境出示龍河有
云以本縣穀救本縣民豈曰自爲有豪強搬運射
利高價發客本縣視官如一葉之輕斷不寬貸饑
民得以是甦至如縱牛馬食踐五穀者卽將牛馬
給賞人多不敢犯至今人有稱之者

萬載縣志

卷之八

良牧

八

姚繼舜別號虞廷鄉進士萬曆四十四季任性恬淡
不以家隨惟奉八十尊人蒞任一切刑杖奉父命
悉從輕省至人命重情必詣城隍祠對神勘詰而
服毒者有禁凡試係服毒卽有傷不行相視不斷
殮埋且令各處剗去莽毒草根有告公者曰邑毒
死者衆有厲爲殃公命僧人設齋醮度亡自是風
□怠戊午己未大饑公發賑不足捐俸設粥四門

濟之庚中疫痢交作爲命醫施藥軫救所全活甚衆一日櫃上失銀人皆指庫吏公獨不爲究詰夜夢一青衣女子伏其前後獲盜果彭好也明察如神至如葺學宮每季措處使得常新修預備倉加高三尺得不受水患重建康樂橋捐俸倡率富民爭相樂助復買田每季收租貯爲修橋之費至今往來者誦公功德爲立生祠而清衙蠹勸農息訟嘗書一聯於坐右曰門以外寬以撫之門以內嚴以齊之又一聯於儀門曰鄉井有田宜早種縣庭無事莫頻來邑民久而思之謂無異畢侯動輒侈

萬載縣志

卷之八

良牧

九

口姚畢云陞工部後任高州知府

韋明傑字叔萬別號青岑浙之烏程人戊辰進士崇禎二季任縣事質直明決愛士恤民昔值增餉加派條例煩多民不堪命公具詳告疲不畏功令頻駁頻覆得較口邑稍減著有籲天四議載入本志藝文又著康樂民隱六冊聽雨齋集邑志嘉靖後事跡闕如公重纂修至今得備考核且篤志好學每月課試諸生選其尤者鋟梓延入署內讀書講論尤酷好遊覽凡山川勝境無不周歷題詠大堂文廟城隍祠鳳真閣皆捐貲重修及寺院菴觀

亦多樂助歷任九載焦勞勤苦日夕不遑以才力
謫去至今惜之

唐昌齡字吾修華亭人登崇禎丁丑科第六名進士
戊寅任縣事季少好學博古以文學飾吏治以撫
字恤民艱廉介誠恪身若不勝衣言若不出口士
民至今猶感慕焉

曾宜高字清仲廣東順德人舉人崇禎庚辰任縣事
慈惠清廉儉朴簡易公餘詩酒琴書悠然自得著
有詩文琴譜待民如子接士若平交邑人以外公
號之壬午山寇猖獗公將解任寇相戒曰且勿刦
萬載縣志

卷之八 良牧

十

城驚動外公公作詩別士民有里巷傳呼爲外祖
之句又書壁曰颺然而去也胡爲乎來哉至今談
往日好官亦曰曾外公云

國朝

高鵬起字搏九曲沃人己亥進士康熙九季任縣事
寬厚溫恭勤慎儉約不挈家人自理案牘註聖諭
六條以勸民定每月兩會以課士初下車訪利弊
紳衿陳十二事一一聽其興革吏畏民懷文學政
事俱優勞事壬子鄉場以病告致

吳自肅字在公別號克菴海豐人甲辰科二甲進士

考授司李旋奉裁改授縣職公爲人慷慨有大節蒞任方三月卽值湖南告變長沙失守維時人心風鶴事勢洶湧公與僚屬紳士以忠節相砥礪以故變亂雖頻無有陷於不義者會有奸人持扎至公卽將僞北出首朝議躩之滿漢大兵駐袁宜令應接不暇隄守李公檄公代庖公到袁凡一應軍需無不立辦李公慰勞再四日微公吾幾掣肘矣公曰某旣以身許國死且不避何勞之敢言袁臨協鎮趙威鎮一時凡所動作雖道府莫敢違曾議起夫開濠他邑已依允公獨毅歛口主上洪福吳

師必不至袁縱有是事堅兵固守俟其懈擊之則一舉可潰也若勞民動衆萬邑殘黎斷難從命事遂寢萬遭兩陷後民亡田荒公爲繪圖詳報前後數萬言眞覺字字欲泣又大兵攻長沙長夫接濟催檄如雨公抗詞申詳致隄守顧公批有領教二字其強項爲民大都類此世變稍寧卽與諸生講菽論文常至夜分不寐至若鋤奸植良叟多快舉且狀貌魁梧談兵多中諸弁以公文職忌其越俎聞者莫不惜之陞任之日士民共建講堂門人王尚選題扁曰南棠峴石亦因邑人之愛戴故云

常維楨字晉臣號白山遼東廣寧人康熙十七年任
時年二十二精敏聰察吏莫能欺凡所施行雖歷
任老成弗能過也甫下車誓於城隍曰某祗飲萬
載水不要一文錢違則神糾殛之故蒞萬七載清
白如一日值甲寅戊午兵荒薦加之後民多死徒
公招徠撫字不遺餘力丁缺田荒賦難催追而上
檄日督急於星火公止知愛百姓不知惜功名隨
瀝慘苦狀激切上陳民得從容完納蒞任初公餘
少暇益力于學備極淵洽兼工詩賦及書法楷草
竝進蓋天性原隸異也修學宮設義學葺舊衙纂

萬載縣志

卷之八

良牧

十二

邑乘俱出俸貲康熙二十三年陞行人司去

施昭庭字筠瞻號寄篁淞西各進士康熙五十八年
來萬性端嚴不妄與人接而雅重賢才爲政精勤
嚴密雖黠吏猾役毫不能欺下車謁

聖廟見正殿就圯戟門頽壞決意修葺捐貲首倡庀
材拓式不數月次第告成巍巍翼翼士咸頌之癸
卯臺灣逸賊溫上貴嘯聚岐源倉卒猖獗偵尉遇
遊寇譎報臨城公秉刃立堂上以節自矢旣少緩
尋設方畧立賞格招徠四方義勇指授擒勦公親
率吏卒晝夜巡城賊畏不敢出卒以撲滅事平逆
案糾紛公虛心平反不妄罹一人跡可疑而實無
萬載縣志

卷之八

邑侯施君傳

十三

十二

辜者悉原宥之先是將弁有挾公出結欲借勦寇
以肆掠擾者公力拒不允全活者幾萬家而一切
軍需悉捐俸資給槩不擾民以故事雖旁午而耕
鑿晏然踰年公以勤勞得心疾旋告歸檢閱徵冊
尾欠尚有數百公稔民貧悉爲墊解復恐重納張
令以示意窮簷歌舞之此萬所爲德公之深而公
保愛吾民之心不可枚舉者大率類此也

一邑侯江公政蹟紀畧

侯諱元采字蔚觀號性安
湖廣安陸府京山縣人

今

上御極之八年邑

侯汪公由虔州長寧奉調來萬

萬故巖邑也近爲要缺凡有陞代部中停止銓選
例簡通省之賢能素著者調補焉萬與寧舟車水
陸行旅相通邑之人熟聞 侯所以治寧者無不
心乎慕之故 侯未入境而萬之引領者數矣及
蒞任質直簡易廉靜謙恭知爲有道仁人而其言
論所及孜孜以地方利弊爲念由是而知 侯之
千萬不僅欲以常治治也維時檄查古荒令民陞
科復舊額闔邑憂悸不知所出蓋萬邑之糧自歐
祥據袁誤以鄉斗爲官斗積困數百年荷沐

世祖章皇帝軫念汰滅已不啻出民于水火而登之衽

萬載縣志

卷之八

汪公政蹟紀畧

十四

十三

席矣惟是萬邑土磽田礲科則倍于他邑重以甲
寅蛟水阡陌變遷隴畝衝決追呼賠累之慘有不
忍言前郡守李公憐之按畝清勘察其水推砂塞
爲川爲阜者請除賦額貳千餘兩民困因以少甦
今欲槩復舊額吾民能無恐乎我 侯洞悉其由
苦心立法瀝陳於 上因得分別陞科俾糧戶免
虛賠之苦地方享安寧之福我 侯保赤之功要
不可忘也邑徵兵米舊例本折各半邇來數十年
官從民便盡收折色官豫墊銀買穀礬米解兌此
官任其勞民享其逸者也乃前任未及申請致干

檄查 侯備悉詳覆俾得仍舊深稱優焉萬邑屯
田鬻于民間者十有七八軍丁垂涎效尤欲借他
郡餘租之名每畝增銀八分民不堪重困率欲棄
業 侯條請於 上因得豁減而僅增漕折貳分
零雖 侯心未慊而吾民之受賜則已侈矣隨漕
分徵格于例不僂於民我 侯念窮簷之疾苦不
惜剴切披陳得與地丁并徵而零星分納之擾得
免焉吾邑義學名存實廢非一日矣我 侯慨然
興復禮聘鄉先生豐館穀儲膏火招邑中無力延
師之子弟肄業其中甄陶之下靡不蒸蒸蔚起邑

萬載縣志

卷之八

汪公政蹟紀畧

十五

十四

北有康樂橋爲通邑水口關鍵燬于兵火垂百餘
年矣雖紳士協力興建而費繁功大幾於强弩之
末 侯甫下車獎勵董勸遠近協應俾數年鉅功
成於一旦 侯實有力焉乃歸功前人謙讓而不
自居橋故有田久爲附近侵匿 侯按志清出以
爲巡視斯橋之資橋之北岸原有康樂祠舊祀謝
公靈運配以賢侯姚公 侯以湫隘弗嚴率紳士
拓新之繚以崇垣飾以丹堊于是俎豆輝光而名
勝不朽矣學宮東畔舊有文昌閣爲祝融所燼邑
更五六宰咸莫能興 侯議復新之區畫旣備人

樂趨事閎廠壯麗視昔有加焉署有寅賓館圯毀
無跡歷以東西書舍接會賓客 侯以爲褻也迺
闢儀門之右構軒三楹雜蒔花木几榻畢具蓋不
獨禮賢有體而暮夜之謁亦復不嚴而自遠矣潭
埠株樹潭二處居民稠密 侯以地遠化導難周
會有查黜羅教之行遂以所遺刹宇改建講約所
二處於簿書稍暇之際親詣其地詳加宣講俾民
俗日底于厚又嘗以講約之故道經下嵐橋橋爲
吳楚通津從前疊石架木爲洪水所圯僉謀甃石
易木以垂永久祗以物力艱辛逡巡不果 侯乃

萬載縣志

卷之八

汪公政蹟紀畧

十六

捐俸首倡設法獎勸而樂施助者輻輳及橋成人
感 侯德因以 侯姓新其名曰汪公橋又如大
關嶺歐江坑俱屬要道巉巖崎嶇人艱跋涉 侯
出白鏹開修向之羊腸蛇退悉爲王道坦途履其
地者無不銘 侯之功而頌 侯之德也至爲國
計民生則修常平新豐二倉爲歲時禱祀則新社
稷風雨兩壇皆一錢一粟無取于民非所謂公爾
忘私視國事如家事者乎 侯以素豐巨族少遊
燕趙長歷秦晉未幾宰劇邑調巖疆所試輒效而
事業政畧卓卓可紀前邑之人雖鑄刑清政簡士

樂民安八字于石豎之通衢而究不足盡 侯之功也今 侯以邑乘之殘缺懼文獻之或泯爰有編輯之舉於是共舉一二實跡載諸邑乘俾異日太史觀風得有所考因以傳于不朽故言其大畧如此若其絕苞苴抑豪猾明訟獄平刑緩賦而文采風流者固不足爲 侯異而亦不勝書也

賢佐貳

後唐

辛開宣山西孝義縣人字敷謨別號介岐唐天祐
四季進士後唐長興間任茲土幕官匡贊政理保
釐黎庶効勞宣力任誠守廉嘗語人曰官秩不論
崇卑只上不負君下不負民耳民咸戴之以疾卒於
官塋龍山下子孟甫仲甫季甫皆值兵亂孟甫以
道阻遂家萬載後仲甫仕宋開寶興國間遷山東
歷城縣官至叅知政事贈吏部尚書孫次膺添膺
次膺仕孝宗官至通議大夫添膺生子棄疾字幼

萬載縣志

卷之八

佐貳

十八

安登高宗絕興十三季進士少與黨懷英同師蔡
堅筮仕決以蓄懷英遇坎畱金棄疾得離決意徙
南紹興末縛宋叛將歸歷官樞密知潭州帥湖南
寧宗朝擁節鉞知隆興安撫江西皆元兵旤作遂
家鉛山子主敬徙隆興西山孫竭號南坡爲南山
長邂逅孟甫孫玄感始知開宣塋萬載玄感謂曰
西山止可避囂萬載則兵戎終不能及竭忽興水
木遂與同旋奠開宣墓縱觀山水喜而移居今子
孫實繁則南山長之傳是卽幼安公之遺裔爲開
宣所自出也

張受才寧化人吏員宣德七季丞萬載以賦稅車
清廉勤慎先是徵科不法反遭詰擾受才於里分
設甲總各類所管屬併之於僂地置倉屯斂以肯
又酌道途之遠近刻限完報如斗量轉運耗費悉
定規則自是民可法守而均輸稅給矣及去日单
騎隻輪所藏書畫筆札而已民有送護至家者至
今嘆思

周濟大治人監生正統八季丞萬載佐政有方督賦
循則法舉情達人無私議修葺治署祠宇橋梁弗
縻弗擾藩臬相薦剡擢用尋以制去吏民屈之

萬載縣志

卷之八

佐貳

十九

施琦正統十季以監生丞萬載盡心職務不以不可
否爲嫌邑水險峻兼陂堰梗流巨艦罔濟賦運多
所覆溺琦卽奏定每稅一畝科徵本色米五升二
合存畱餘則抵徵銀布民甚稱僂至今遺利

伍可受清流人進士萬曆十二季以給事中降本縣
丞恬然安之遂挈家到任不以遷謫牢騷不以掖
垣倨傲居一季復奉 召去臨川湯義仍公夙與
相善贈以詩

載菽文志

陸朝貴瓊山人吏員崇禎五季任本縣尉不挈家眷
一主一僕行李蕭然居一季以病歸因畱之不可

臨行題壁間詩有云我來何所有清風兩袖歸此
亦佐貳之自好者

賢學博

教秩雖卑而師位則尊唯學優行潔堪爲士範者斯勝任而愉快也自勝國來鴻儒碩彥間亦輩出顧日向西峯博升斗較饋遺者比比矣其載在簡冊者至今猶膾炙人口後之君子是不可聞風而興起乎

董匡番禺人永樂十四季由舉人任本邑儒學教諭學問該洽儀度峻整每於講論必誘掖獎勸不以師位自尊故士樂卒業尤工吟咏縉紳多推重之特擢浙江道御史

萬載縣志

卷之八

學博

二十一

程惟善開化人宣德間由舉人任本縣儒學教諭質直好古識見超卓設科條以稽程課勤啟迪以造賢才遊於門者益多士風丕變今尤可想見其盛李璟沅陵人宣德三季由舉人任本邑儒學教諭明敏勤學奉職由衷端範勵俗毋求備士見禮諸生感奮多能成者

文中昌化人正統元季由舉人任本邑儒學教諭純謹寡默自守端嚴循循善誘一時人才多所成就喻蘭建德人正統五季由監生任本邑儒學教諭長於經學躬行職業凡施教有等而隨材陶鑄無弗

噐使者故士類希慕不忘

馮轂安溪人景泰二季山舉人任本邑儒學教諭經史淹貫文思華麗尤端謹善誘不貴羸羨故衆就規矩而名士多出其門

喻淳蜀高陽人由舉人成化五季任本縣儒學教諭蒞任九季其品行無可考而修葺誌書皆出其手筆邑諸生爲命工鋟梓孝廉晏清爲叅訂考正使後之人有所祖而述之至今前代事物得賴以傳則亦文學之一班也想見其風雅高致云

朱憲浙江山陰人舉人弘治九季任學問該洽威儀

萬載縣志

卷之八

學博

二十二

端重聞講訓迪無論專經故一皆諸生多所成就至於推誠布公眞若青天白日無少翳蔽人咸視以爲卒業師諸所報荅亦頗殊異旣九季以考滿去後歷官至南康府同知

林同福建晉江人舉人正德十四季任質任自然不事藻飾少嘗遊虛齋先生之門學有指授故其教人一以理學爲主尤重義輕利剛正不阿凡諸生暨所交游懷回邪者望之卽竦然或因而改圖多矣邑科目久希濶林至未幾遂登薦二人督學邵公端峰以林學有淵源於風教甚力特獎異之□

□主湖廣文衡又明季陞浙江金華府教授

□廷稷閩晉江人舉人萬曆五季任本學教諭性資篤厚韞藉閎深躬率多士以摘文頻分薄俸以給寡士德之後遷營山令擢南臺御史歷雲南叅政曾宜勉廬陵人洪武三十季由儒士舉任本邑儒學訓導儀表端重克振學規問學亦博富而善淑諸士雖黎庶間亦服德漸染至今長頌不泯

張暉公安人宣德元季由舉人任本邑儒學訓導爲人樂易誠慤博通經史勤於教誨而推心置腹視諸生若息而喜怒因之及去生徒相率餞送涕泗

萬載縣志

卷之八

學博

二十三

而別

夏壽生江山人正統六季由舉人任本邑儒學訓導正直溫和學行兼長造就人才初終不倦一時有志之士賴其成立

劉顥涪州人景泰四季由舉人任本邑儒學訓導識量汪度威儀中則士樂居講議每夜分不輟蚤暮助給薪水忘費生徒佩服

薛致中慶遠衛人景泰六季由舉人任本邑儒學訓導資性警拔博覽多聞軌範矜莊能以行檢倡率士類且待士有恩愛弟子至今興□

羅聰直隸桐廬人正德間歲貢任本縣儒學訓導立
心忠厚操履端方其待諸生恩義兼至有貧乏不
能自給輒捐俸與之無難色教人弗厭倦諸凡皆
長者風度非世俗所及未幾卒於官諸生哀慕盡
禮送柩者數程庶幾爲不負焉

吳蒙直隸崑山人歲貢正德五年任本學訓導崇氣
節力教誨凡諸生課試之文皆口手改得一善則
揄揚不置故士多鼓舞樂育胥有成就尤磊落魁
岸事多義舉學者咸敬仰之後致仕去嘉靖癸未
間督學周公至諸生以與吳同里拜問風耗公極

萬載縣志

卷之八

學博

二十四

十八

口稱道乃知其行誼終始

始一云

徐學禮號約我蕪湖人選貢崇禎五年由安慶府訓
陞任倜儻有才昔文廟傾頹不蔽風雨慨然倡修
督工勤敏數月告成遷本府教授

李一墨號玉池泗州人歲貢崇禎六年由建平訓陞
任不動聲色飲人以和課士之外惟趺坐調息研
探玄理間徒步訪友遊覽山川之勝竟日忘歸署
內止家僮一人布衣蔬食泊如也尤工水墨精岐
黃能延年卻病陞本府授不半年請致去

余昌祚字叔正進賢人歲貢崇禎十六季任訓道

學好古嚴氣正性以先正文體軌範諸生以對節
堅貞崛強自守教人以正心術爲要人有過舉必
面斥之尤重義輕利不責饋贄惟喜聚論書史所
著有正心論飛鳶草鳶飛二十一節題作
文二十一節春爍繁露纂
訂書經講義陰符經註孫子十三篇註及傳記碑
銘序志奏議貧難刻傳當鼎革之際強受原職誓
死不屈避居潭埠己丑歲卒死之日男宗家無
宿糧衣棺殯葬束手罔措近鄉居民皆攜斗米尊
酒斂金助力弔者哭拜滿市至今猶感慕品行悼
惜貧乏真不愧所學云

流寓

隋珠和璧所至寶焉物亦難囿也矧士乎故瑰竒卓犖之彥以異產而益珍凡所適遊人咸快覩萬載之以康樂名也始自謝侯而後之賢者或避地或選勝徃徃樂此中山水遂棲息而僑居焉其遺風逸韻尙昭舊志披覽展讀宛在目前是用編錄傳之奕世云

藺相如史載趙人舊誌以爲本邑人宋令徐昇記縣治亦曰義烈慷慨則有若藺相如村號藺家至今民有藺姓已詳辨於根始宅下姑存疑以爲流寓

萬載縣志

卷之八

流寓

二十六

習鑿齒襄陽人晉末秦符堅寇陷襄陽皆鑿齒避地於邑之山谷誦讀不輟後人遂名所居之山爲書堂山

按習襄陽毘志載其避符堅居萬載卒塋於分宜之棗木山而輿地志亦云分宜有習墓及按晉史桓温有異志鑿齒爲著漢晉春秋裁温逆萌後竟以腳疾廢符堅陷襄陽聞釋道安與齒名爲輿而致之與語大悅曰吾破漢南得士才一人有半以病腳故云其居萬載因以書堂名山則其鄉廢之後不終爲堅所污猶能讀書於此信山川之得人

而傳也

陶沔號竹溪六逸爲唐司空晚歲遊邑之東北村落愛其山水遂居卒焉崑稱陶逸鄉人飲德立廟以祀之世稱陶司空廟子孫至今居其地因號陶家坊

柳希玘蘇州刺史父渾刺袁州治狀有聲朱泚反聞其名欲致之因榜掠其子公爲渾季子避居本邑之西江子孫遂世家焉塋下坑大墓山

辛竭字克勤號南坡居士其先爲仲甫之後以避難徙隆興資性明敏日誦數千言喜恬靜結廬西山

萬載縣志

卷之八

流寓

二十七

之隅松栢蒼虬杉篁緣猗日閉戶讀書以隱自樂親督畊耘與漁樵爲伴興至則草蒼頡字李斯篆歌李杜詩經史子傳隨意展舒髡守聘爲南昌山長登堂講肄以存心養性爲本以格物致知爲功存誠主敬尊尚程朱生徒至者以百數適與孟甫七世孫玄感邂逅隆興語及始祖開宣任本邑幕歿葬龍山同歸奠祖因定居焉生子英勇冠三人勇無傳英冠至今子孫繁衍

曾文迪穎之雩都人精天文地理識緯內經之書楊吳稱天祐嘗遊此愛西山之丘謂其徒曰死塋我

於此至梁貞明間終焉今有墳存元敖仲實立祠祀之翰林學士喬達爲記刻石

譚觀字自廣本南昌人天性孝友固窮守貞耽書史工詩文卓然自對元至順間詔設辟舉科令三品以下各舉所知諸名公薦爲經筵簡討賜進士出身授奉訓大夫翰林院國史編修轉國子助教至正十八季乞休歸田見陳友諒據江西諸路兵火四起遂避居萬載卜築龍河之濱茅蓋四椽後倚石壁前俯清流松竹菁葱皆挾一編箕踞長吟或披草而坐或垂竿而釣不知爲前朝貴人每謂名

萬載縣志

卷之八

流寓

二十八

山水足跡難徧當效宗少文澄懷偃臥遊之自號臥遊子著樂隱詩以自適至今後裔世居於龍河橋畔猶能歌咏其遺風故址尚存逸響如昨令人有仰止之思云

鮑遇字千泗徽州人仕元爲西臺御史與學士歐陽玄友善皆元主以鐵木迭兒輔導東宮公上書劾其不可不納遂乞休家居後徐壽輝起兵陷池州公徙信州兵又攻信州復徙瀏陽縣蓋欲依附玄也值玄物故徙本縣郊外石上燕子窩督畊種爲業歐譜詳屢聘不就後譜詳歸附卒安居焉俗□

爲鮑家石云其爲人立朝不阿間闕跋跬遠害全
節季六十七而終子德忠移入城中今爲鮑族有
孫以任住宜春東塘又爲東塘鮑氏

胡泰字志同號雲松巢洪之南昌人善眞草書能詩
文洪武初遊覽至邑之涂泉鍾情於景山煙水遂
謀終身焉